



Kantonalno javno komunalno preduzeće "RAD" d.o.o.

Paromlinska 57, 71000 Sarajevo, Bosna i Hercegovina

Telefon: 658-038, 616-101, 641-051, 710-270, 611-766; Fax: 656-812, 654-480, 643-966

E-mail: jkpradsa@bih.net.ba; web: www.rad.com.ba; EKO telefon: 660-000

ID broj: 4200316890001, PDV broj: 200316890001, Poreski broj: 0170010500, Šifra djelatnosti: 38.11
Preduzeće registrovano kod: Kantonalni sud u Sarajevu, Rješenje broj U/I 1664/89, Matični reg.broj 1-1819

Na osnovu Odluke Nadzornog odbora KJKP "RAD" d.o.o. Sarajevo, broj: 02NO-17550/19 od 19.09.2019. godine, a u skladu sa članom 263. Zakona o privrednim društvima ("Službene novine Federacije BiH", br. 81/15), članom 12. Zakona o javnim preduzećima u Federaciji BiH ("Službene novine Federacije BiH", br. 8/05, 81/08, 22/09. i 109/12.), a u vezi sa članom 46., 47. i 50. Statuta KJKP «RAD» d.o.o. Sarajevo, broj: 14520/17 od 25.07.2017. godine i Odluke o dopuni Statuta KJKP "RAD" d.o.o. Sarajevo, broj: 01SP-17064/18 od 28.09.2018. godine, Nadzorni odbor KJKP "RAD" d.o.o. raspisuje:

K O N K U R S

za izbor i imenovanje direktora Kantonalnog javnog komunalnog preduzeća „RAD“ d.o.o. Sarajevo

1. Raspisuje se konkurs za izbor i imenovanje direktora Kantonalnog javnog komunalnog preduzeća «RAD» d.o.o. Sarajevo.

2. Opis upražnjene pozicije:

Direktor Preduzeća:

- predsjedava Upravom;
- rukovodi procesom rada i poslovanja Preduzeća;
- zastupa i predstavlja Preduzeće u unutrašnjem i vanjskotrgovinskom prometu;
- odgovoran je za zakonitost rada i poslovanja u Preduzeću;
- predlaže razvojnu i poslovnu politiku Preduzeća;
- predlaže i poduzima mjere, izdaje naloge i uputstva, kojima se osigurava funkcionisanje i sigurnost Preduzeća;
- donosi pojedinačne akte u skladu s općim aktima Preduzeća;
- izvršava i osigurava provođenje odluka organa Preduzeća;
- odlučuje o potrebi za radom i raspoređivanju radnika;
- odlučuje o razvoju ljudskih resursa, edukaciji, o potrebi zapošljavanja novih radnika, u skladu s planovima poslovanja;
- potpisuje akte koje donosi Uprava;
- odlučuje o službenim putovanjima izvršnih direktora i radnika;
- odlučuje o pravima i odgovornostima radnika u skladu sa zakonom, kolektivnim ugovorima i pravilnicima;
- zaključuje ugovore i poduzima druge pravne radnje u skladu sa zakonom;
- donosi cjenovnik za usluge koje nisu u nadležnosti Vlade Kantona.

3. Mandat:

Direktor se imenuje na period od 4 (četiri) godine.

Položaj, ovlaštenja, odgovornosti i prava direktora regulisana su Statutom Preduzeća, a uređuju se ugovorom između Nadzornog odbora i direktora.

4. Kandidat treba da ispunjava sljedeće uslove:

a) Opći uslovi:

- da je državljanin Bosne i Hercegovine (dokaz: uvjerenje o državljanstvu, ne starije od 6 mjeseci-original ili ovjerena kopija);
- da nije osuđivan za krivično djelo i za prekršaj nespojiv s dužnošću u Upravi Preduzeća, 5 godina od dana pravosnažnosti presude, isključujući vrijeme zatvorske kazne (dokaz: potpisana izjava ovjerena od strane nadležnog općinskog organa, ne starija od 6 mjeseci);
- da mu presudom Suda nije zabranjeno obavljanje poslova iz nadležnosti direktora Preduzeća (dokaz: potpisana izjava ovjerena od strane nadležnog općinskog organa, ne starija od 6 mjeseci);
- da ne vrši funkciju predsjednika ili člana nadzornog odbora ili uprave drugog društva ili institucije (dokaz: potpisana izjava ovjerena od strane nadležnog općinskog organa, ne starija od 6 mjeseci);
- da nije na funkciji u političkoj stranci (dokaz: potpisana izjava ovjerena od strane nadležnog općinskog organa, ne starija od 6 mjeseci);
- da ne postoji lični interes u Preduzeću, kao i da ne postoje druge zakonske smetnje za obavljanje funkcije direktora (dokaz: potpisana izjava ovjerena od strane nadležnog općinskog organa, ne starija od 6 mjeseci).

b) Posebni uslovi:

- da ima VSS - VII stepen stručne spreme, odnosno visoko obrazovanje prvog ciklusa (koje se vrjednuje sa 240 ECTS bodova), ili drugog ili trećeg ciklusa Bolonjskog sistema studiranja, Građevinski fakultet ili Mašinski fakultet ili Pravni fakultet ili Ekonomski fakultet (dokaz: univerzitetska diploma o sticanju VSS, VII stepen stručne spreme ili završenom stepenu prvog ciklusa koje se vrednuje sa 240 ECTS bodova, ili drugog ili trećeg ciklusa Bolonjskog sistema studiranja);
- da ima najmanje osam godina radnog staža u struci, od čega najmanje pet godina na rukovodnim poslovima, nakon sticanja univerzitetske diplome, odnosno visokog obrazovanja (dokaz: Potvrda ili Uvjerenje o radnom iskustvu i iskustvu na rukovodnim radnim mjestima);
- da u pisanoj formi ponudi program rada i razvoja Preduzeća u mandatnom periodu (dokaz: Program rada i razvoja Preduzeća);
- da ima iskustvo i stručna znanja u oblastima od značaja za rad i poslovanje Preduzeća (dokaz: potpisana izjava ovjerena od strane nadležnog općinskog organa, ne starija od 6 mjeseci);
- da je prošao odgovarajuće usavršavanje u skladu sa Zakonom o privrednim društvima i Uredbom o usavršavanju predsjednika i članova Nadzornog odbora i uprava privrednih društava sa učešćem državnog kapitala iz nadležnosti Kantona Sarajevo („Službene novine Kantona Sarajevo“, broj: 34/19), odnosno da preuzima obavezu da usavršavanje obavi u roku predviđenom navedenom Uredbom (dokaz: Certifikat o završenom usavršavanju izdat od strane nadležnog organa/Komore ili Izjava potpisana i ovjerena od strane nadležnog organa kojom kandidat izjavljuje da preuzima obavezu da usavršavanje obavi u roku od jedne (1) godine od dana imenovanja na poziciju).

Kandidat koji posjeduje certifikat izdat od ovlaštenog organa bilo kojeg nivoa vlasti u BiH, izuzet je od obaveze ovog usavršavanja.

5. Potrebni dokumenti:

- Potpisana Prijava na konkurs;
- CV sa adresom i kontakt telefonom;
- Dokumenti iz tačke 4. a) i b) – (originali ili ovjerene kopije po definisanim tačkama).

Preduzeće zadržava pravo da za kandidate koji ispunjavaju tražene opće uslove po javnom konkursu od nadležnog organa zatraži podatke iz službene evidencije, kako bi provjerilo tačnost podataka u datim izjavama.

Prijave kandidata sa kojim se ne stupi u kontakt u roku od 10 (deset) dana od dana isteka roka za podnošenje prijave, neće se uzeti u razmatranje u daljem postupku izbora i imenovanja direktora Preduzeća.

Konkurs će biti objavljen u dnevnom listu „Dnevni avaz“ i „Službenim novinama Federacije BiH“, kao i na web stranici Preduzeća.

Konkurs ostaje otvoren 15 (petnaest) dana, od dana objavljivanja u „Službenim novinama Federacije BiH.“

Prijave sa traženim dokumentima dostaviti lično ili preporučeno na adresu:

**KJKP «RAD» d.o.o. Sarajevo
Ul. Paromlinska br. 57 – 71000 Sarajevo
sa naznakom:**

**„PRIJAVA NA KONKURS ZA IZBOR I IMENOVANJE DIREKTORA KJKP „RAD“ d.o.o.
SARAJEVO - OTVARA KOMISIJA“**

Na poleđini koverta je obavezno naznačiti ime i prezime i adresu podnosioca prijave.

Neblagovremene, neuredne i nepotpune prijave neće biti razmatrane.

Preduzeće nije obavezno vraćati dokumentaciju uz prijavu.

Napomena: Kandidat koji bude izabran za direktora dužan je dostaviti ljekarsko uvjerenje o zdravstvenoj sposobnosti za poziciju direktora, za koju je konkurisao, pri preuzimanju dužnosti direktora Preduzeća.

**Predsjednik Nadzornog odbora
Adi Škaljić, bachelor prava s.r.**